

সুন্দরগঞ্জে বিনামূল্যে চক্ষু শিবির

|| অনলাইন ডেস্ক ১ প্রকাশ: ২৫ আগস্ট ২০২২, ১২:০৫



Loading...



গাইবান্ধার সুন্দরগঞ্জ উপজেলা আওয়ামী লীগের উদ্যোগে গতকাল বুধবার বামনডাঙ্গা আব্দুল হক ডিগ্রি মহাবিদ্যালয় মাঠে এক চক্ষু শিবির অনুষ্ঠিত হয়। দীপ আই কেয়ার ফাউন্ডেশন চক্ষু শিবিরটি পরিচালনা করে। চক্ষু শিবির উপলক্ষে কলেজ হলরুমে এক আলোচনা সভায় প্রধান অতিথি হিসেবে বক্তব্য রাখেন সুন্দরগঞ্জ উপজেলা আওয়ামী লীগের সভাপতি ও আনন্দ ওয়েল ফেয়ার ফাউন্ডেশনের কর্ণধার শিল্পপতি আফরুজা বারী। চক্ষু শিবির উদ্বোধনকালে বক্তৃতায় তিনি বলেন, পর্যায়ক্রমে সুন্দরগঞ্জের বিভিন্ন এলাকায় চক্ষু শিবিরের আয়োজন করে বিনামূল্যে চোখের ছানি অপারেশনসহ চোখের অন্যান্য রোগের চিকিৎসার মাধ্যমে চক্ষু রোগীদের সুস্থ করে তোলা হবে। তিনি আরো বলেন সকলের সহযোগিতায় সুন্দরগঞ্জের মানুষের চোখের ছানি মুক্ত করবো।

উদ্বোধনী অনুষ্ঠানে অন্যান্যের মধ্যে বক্তব্য রাখেন বামনডাঙ্গা আব্দুল হক ডিগ্রি মহাবিদ্যালয়ের অধ্যক্ষ ইমান হোসেন, সংগঠক ও সাংবাদিক হাবিবুর রহমান হবি, আওয়ামী লীগ নেতা ফাহিমদা বুলবুল কাকলী, মজনু হিরো, সংগ্রাম সিং, উপজেলা স্বেচ্ছাসেবকলীগের যুগ্ম আহ্বায়ক আব্দুল্লাহ আল মেহেদী রাসেল, দীপ আই কেয়ার ফাউন্ডেশন দর্শনা রংপুরের কো-অডিনেটর মো. ছদরুল হাসান রাজু। চক্ষু শিবিরে প্রায় ৫শ রোগী ডাক্তারের পরামর্শ নেন। এর মধ্যে ৮০ জনকে ছানি অপারেশনের জন্য দীপ কেয়ার ফাউন্ডেশন হাসপাতালে নিয়ে যাওয়া হয়।

প্রসঙ্গত গত ১৭ জুলাই উপজেলা আওয়ামী লীগের উদ্যোগে দলীয় কার্যালয়ে আনন্দ ওয়েল ফেয়ার ফাউন্ডেশনের তত্ত্বাবধানে চক্ষু শিবির অনুষ্ঠিত হয়। এ সময় ৭০ জন চক্ষু রোগীর সফলভাবে ছানি অপারেশন করা হয়।

এবিএন/শাহ মোঃ রেদওয়ান/জসিম/গালিব